

**«Olmaliq KMK» AJ**

акциядорлари йиллик умумий  
йигилишининг,  
2020 йил «10» октябрдаги  
8/2020 - сонли Қарори билан

**«ТАСДИҚЛАНГАН»**

**«OLMALIQ KON-METALLURGIYA KOMBINATI»  
AKSIYADORLIK JAMIYATI**

(«Olmaliq KMK» AJ)

**ИЖРОИЯ ОРГАНИ (БОШҚАРУВ) ТҮҒРИСИДАГИ  
НИЗОМ  
(янги таҳрири)**

**ОЛМАЛИҚ – 2020**

## 1. УМУМИЙ ҚОИДАЛАР

1.1. Мазкур Низом «OLMALIQ KON-METALLURGIYA KOMBINATI» Aksiyadorlik jamiyatı (кейинги ўринларда – Жамият) Ижроия органи - Башқарув раисининг мақомини, уларнинг ваколат доирасини, сайлаш ва тайинлаш тартибини, мажбуриятлари, хукуклари ва жавобгарликларини аниқлайди, уларнинг ишини ва фаолият тартибини белгилаб беради.

1.2. Низом Ўзбекистон Республикасининг қонун хужжатларига ва Жамият Уставига мувофиқ ишлаб чиқилган.

1.3. Башқарув Жамиятнинг коллегиал Ижроия органи бўлиб ҳисобланади ва Жамиятнинг кундалик фаолиятига раҳбарликни амалга оширади.

1.4. Жамиятнинг Кузатув кенгаши, акциядорларнинг умумий йиғилиши, Устави, жамият фаолиятининг асосий вазифалари, йўналишлари ва мақсади, ривожлантириш режаси томонидан қўйилган топшириқларни сўзсиз бажариш учун Башқарув ва Башқарув раиси ушбу Низом билан ўзининг ваколат доирасига киритилган масалалар бўйича мустақил қарорлар қабул қиласидилар.

1.5. Башқарувнинг асосий вазифаси бўлиб иқтисодий барқарорликни сақлаш сиёсатини ўтказиш, металл бўйича жаҳон бозорларига кириб бориш, у ерда мустаҳкам ўринни эгаллаш, шунингдек, Жамиятнинг даромадини кўпайтириш ҳисобланади.

1.6. Мазкур Низомда «Акциядорларнинг умумий йиғилиши» сўз бирикмаси қўлланилганда, Жамият акциядорларининг умумий йиғилиши ёхуд қонун хужжатларига мувофиқ, акциядорларнинг умумий йиғилиши ваколат доирасига кирадиган масалалар бўйича бир ўзи қарор қабул қилиш хукуқига эга бўладиган битта акциядор - Жамият барча оддий акцияларининг акциядори (кейинги ўринларда – Бош акциядор) назарда тутилади.

## 2. БОШҚАРУВНИНГ ВАКОЛАТ ДОИРАСИ

2.1. Жамият Ижроия органининг ваколатига Жамиятнинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг ва Жамият Кузатув кенгашининг ваколат доирасига киритилган масалалар бундан мустасно.

2.2. Башқарув аъзолари лавозим йўриқномалари билан аниқланган ваколат доирасида, улар билан тузилган меҳнат шартномаси (контракти) шартлари, акциядорларнинг умумий йиғилишининг, Кузатув кенгашининг, Башқарувнинг қарорлари ва Жамият Башқаруви раисининг кўрсатмаларига кўра ҳаракат қиласидилар.

2.3. Жамият Башқаруви аъзоларини моддий рағбатлантириш Жамият фаолияти самарадорлигига қараб амалга оширилади.

2.4. Жамиятнинг Кузатув кенгаши, акциядорларнинг умумий йиғилиши, Устави, жамият фаолиятининг асосий вазифалари, йўналишлари ва мақсади, ривожлантириш режаси томонидан қўйилган топшириқларни сўзсиз бажариш учун Башқарув ва Башқарув раиси ушбу Низом билан ўзининг ваколат доирасига киритилган масалалар бўйича мустақил қарорлар қабул қиласидилар.

2.5. Башқарув ваколати доирасига қўйидагилар киради:

- Жамият фаолиятининг устувор йўналишларини ва уларни амалга ошириш бўйича истиқболли режаларни, шунингдек, Жамият фаолиятининг асосий йўналишлари ва мақсадидан келиб чиқсан ҳолда Жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини ишлаб чиқиш ва Кузатув кенгашига кўриб чиқиш учун тақдим қилиш;

- Жамиятнинг даромадини ва рақобатбардошлигини ошириш мақсадида кундалик хўжалик сиёсатини тузиб чиқиш ва амалга ошириш;

- Жамиятнинг бизнес-режаси асосида ишлаб чиқилган ишлаб чиқариш дастурини шакллантириш ва тасдиқлаш, Жамият тузилмавий бўлинмаларининг ишлаб чиқариш хажмини аниқлаш;

- Жамиятнинг ижтимоий ривожланиш дастурини амалга ошириш бўйича тавсияларни

кўриб чиқиш ва ишлаб чиқиш;

- ишчиларнинг меҳнат муҳофазасини таъминлаш ва экология талабларига риоя қилиш;
- Кузатув кенгаши ва акциядорларнинг умумий йиғилиши мухокамасига киритиладиган масалалар бўйича ахборотлар, материаллар ва таклифларни тайёрлаш;
- Жамиятнинг бизнес-режасини ва молиявий-хўжалик фаолиятининг бошқа дастурларини ишлаб чиқиш;
- Жамиятнинг йиллик иш истиқболлари, йиллик баланси, фойда ва заарлар ҳақидаги ҳисботлар ва бошқа керакли ҳисбот хужжатларини ишлаб чиқиш ва Кузатув кенгашига тақдим қилиш;
- фойдани тақсимлаш ва заарни қоплаш бўйича таклифларни Кузатув кенгаши ва акциядорларнинг умумий йиғилишига тақдим қилиш;
- акциядорларнинг умумий йиғилишида ва Кузатув кенгашида уларнинг ваколат доирасига киритилган масалалар ва хужжатлар бўйича қарор қабул қилиш учун кўриб чиқиладиган материалларни тайёрлашда иштирок этиш;
- тижорат сирини (маҳфий ахборот ҳисобланган) ташкил қилган маълумотларнинг таркибини ва хажмини, уларни ҳимоя қилиш тартибини аниқлаш;
- Жамият томонидан амалга ошириладиган йирик инновация ва инвестиция лойиҳалари ва дастурларини олдиндан кўриб чиқиш;
- Битимларни (шартномаларни) тузиш тўғрисида, жумладан, Жамият томонидан мол-мulkни олиш ёки уни бошқа шахсга бериш ёхуд мол-мulkни бошқа шахсга бериш эҳтимоли билан боғлиқ битимларни (шартномаларни) тузиш тўғрисида қарор қабул қилиш, агарда, бундай битимларнинг (шартномаларнинг) қиймати битимни тузиш тўғрисида қарор қабул қилинган санага Жамият бухгалтерия ҳисботининг маълумотлари бўйича аниқланган Жамиятнинг соф активлари қийматининг уч фоиздан ўн беш фоизгачасини ташкил этса;
- Ўзбекистон Республикаси Президенти ва Вазирлар Маҳкамасининг ҳомийлик ёрдами кўрсатиш тўғрисидаги қарорларини (Фармонлари, Қарорлари, Фармойишлари, баённома қарорлари, топшириқлари ва ҳ.к.) ижро этиш;
- Жамиятнинг тижорат ва нотижорат ташкилотларидаги иштироки билан боғлиқ бўлган беғараз битимларини тузиш тўғрисида (жумладан, ҳайрия, ҳайр-эҳсон қилиш, ҳадя, ҳомийлик ёрдами), аъзолик бадалларини киритиш (бошқа харажатларни амалга ошириш) тўғрисида қарор қабул қилиш, агар бунда, барча тўловларнинг умумий суммаси чорак давомида Ўзбекистон Республикаси худудида белгиланган энг кам ойлик иш ҳақининг 15 000 бараваридан ортиқ бўлмаса, Ўзбекистон Республикаси Президенти ва Вазирлар Маҳкамасининг ҳомийлик ёрдамини кўрсатиш тўғрисидаги қарорларининг (Фармонлар, Қарорлар, Фармойишлар, баённома қарорлари, топшириқлари ва ҳ.к.) ижроси бўйича қарорлар қабул қилиш ҳоллари бундан мустасно;
- Жамиятнинг ички ташкилий ва бошқарув тузилмасини такомиллаштириш тўғрисидаги таклифларни тайёрлаш ва асослаш;
- Бошқарув ваколат доирасига таалуқли масалалар бўйича Жамият ички хужжатларини тасдиқлаш;
- Бошқарув раиси томонидан Бошқарувга кўриб чиқиш учун тақдим этилган, Жамият кундалик фаолиятининг бошқа масалаларини ҳал қилиш.

2.6. Бошқарув ҳар чоракда йиллик бизнес-режанинг бажарилиши, Жамиятни ривожлантириш стратегиясига эришиш бўйича кўрилаётган чора-тадбирлар тўғрисида Кузатув кенгашининг олдида ҳисбот беради.

2.7. Бошқарув мутахассисларнинг иштирокини, жумладан, эксперталарнинг иштирокини талаб қиладиган Жамият фаолиятининг алоҳида йўналишлари бўйича масалаларни ҳал қилиш учун ўз таркибидаги ва жалб қилинган шахслардан иборат доимий ёки вақтинчалик ишчи гурухларини ташкил қилиши мумкин.

### **3. БОШҚАРУВНИ ТАШКИЛ ҚИЛИШ ТАРТИБИ**

3.1. Жамиятнинг кундалик фаолиятига раҳбарлик қилиш Бошқарув раиси томонидан амалга оширилади. Жамият Бошқаруви ушбу Уставга мувофиқ бир йил муддатга сайланадиган 13 та аъзодан ташкил топади.

Жамият кузатув кенгашининг тавсиясига кўра жамият Ижроия органи раҳбари – Бошқарув раисини ёки бошқарув аъзоларини тайинлаш, қоида тариқасида, чет эллик менежерлар иштирок этиши мумкин бўлган танлов бўйича саралаш асосида амалга оширилиши мумкин.

3.2. Жамият Бошқарувининг раиси ва барча унинг аъзолари акциядорларнинг умумий йиғилишида сайланади.

Бошқарув раиси ва унинг ўринбосарлари лавозимларига номзодларни кўрсатиш Ўзбекистон Республикасининг Бosh вазири ёки унинг тегишли ўринбосарлари ва маслаҳатчилари билан келишган ҳолда амалга оширилади.

Бошқарувни Бошқарув раиси, у бўлмаган тақдирда унинг (биринчи) ўринбосарларидан бири бошқаради.

3.3. Бошқарув таркибига лавозим бўйича Жамият Бошқаруви раиси ва унинг ўринбосарлари, Бошқаруви раисининг тақдимномасига кўра, бош мутахассислар, тузилмавий бўлинмаларнинг раҳбарлари ва Жамиятнинг бошқа раҳбар ходимлари киришлари мумкин.

3.4. Жамият Бошқарув таркибига кирувчи шахснинг ваколатлари муддатидан аввал тугатилганда, унинг вазифасини вақтинча бажарувчи шахс (номзод)ни Кузатув кенгashi томонидан кўриб чиқилгунгача ёки тегишли қарори билан тайинланишига қадар йул қўйилади.

3.5. Кузатув кенгashi томонидан Бошқарув аъзолигига номзодларни кўриб чиқиш умумий рўйхат асосида ёки номзодларни шахсан қатнашиши орқали амалга оширилади. Бошқарув таркибига номзодларни кўрсатишда Бошқарув раиси контракт тузиш шартларини, бошқарув фаолияти учун тўланадиган ҳақ миқдорини ва контрактни тузишга номзоднинг шахсий аризаси билан тасдиқланган розилигини кўрсатиб ўтади.

3.6. Бошқарув аъзолигига номзодлар Кузатув кенгашининг йиғилишида ўз номзодлари кўриб чиқилаётган пайтда қатнашишлари мумкин.

3.7. Бошқарув аъзоларининг ҳар бирининг хуқуқлари, мажбуриятлари ва жавобгарликлари амалдаги қонунчилик, бошқа меъёрий хужжатлар ва шахсий лавозим мажбуриятлари шартлари билан белгиланади.

3.8. Бошқарув раиси ихтиёрий мутахассисни Бошқарувдаги вакант лавозими вазифаларини бажариш учун яқин орадаги Кузатув кенгашининг йиғилишигача вақтинча бажаришга йўл қўйиш хуқуқига эга. Бошқарув аъзоси вазифасини вақтинча бажариб турувчи шахс билан контракт тузилмайди.

3.9. Акциядорларнинг умумий йиғилиши Бошқарув раиси томонидан меҳнат шартномасининг шартлари бузилган тақдирда, Акциядорларнинг умумий йиғилиши у билан тузилган меҳнат шартномасини тугатиш хуқуқига эга.

Бошқарув раиси лавозимидан озод этилган (бўшатилган) тақдирда, Бошқарув раислига шахс (номзод) Ўзбекистон Республикаси Вазирлар Махкамаси томонидан тасдиқланганидан сўнг, Бошқарув раисини сайлаш учун Акциядорларнинг навбатдан ташқари умумий йиғилишини ўн кун муддатдан кечиктирмаган ҳолда ўтказилиши лозим.

3.10. Бошқарув аъзолари тайинлангандан сўнг, тегишли лавозим вазифаларини бажариш бўйича уларнинг ҳар бири билан меҳнат шартномаси (контракти) тузилади. Жамият номидан шартнома Кузатув кенгashi ваколат берган шахс томонидан имзоланади.

3.11. Бошқарув раиси ва Бошқарув аъзоларини ишга ёллаш тўғрисидаги шартномалар (контрактлар) Акциядорларнинг умумий йиғилиши қарорига асосан тузилади (узайтирилади) ёки тугатилади (тўхтатилади).

3.12. Бошқарув Раиси - Бosh директор вазифасини бажариш бўйича унинг функциялари, мажбуриятлари, хуқуқлари, жавобгарликлари белгилаб берилган меҳнат шартномаси (контракти) Жамият номидан Кузатув кенгашининг Раиси ёки Кузатув кенгashi ваколат берган шахс томонидан имзоланади.

3.13. Бошқарув аъзоларининг ҳар бирининг ҳуқуқлари, мажбуриятлари ва жавобгарликлари амалдаги қонунчилик, бошқа меъёрий хужжатлар ва шахсий лавозим мажбуриятлари шартлари билан белгиланади.

3.14. Бошқарув Раиси-Бош директор ихтиёрий мутахассисни Бошқарувдаги вакант лавозими вазифаларини бажариш учун яқин орадаги акциядорларнинг умумий йиғилишигача вақтинча бажаришга йўл қўйиш ҳуқуқига эга. Бошқарув аъзоси вазифасини вақтинча бажариб турувчи шахс билан контракт тузилмайди.

3.15. Акциядорларнинг умумий йиғилиши Бошқарув раиси томонидан меҳнат шартномасининг шартлари бузилган тақдирда, Акциядорларнинг умумий йиғилиши у билан тузилган меҳнат шартномасини тугатиш ҳуқуқига эга.

Бошқарув раиси лавозимидан озод этилган (бўшатилган) тақдирда, Бошқарув раислигига (номзод) шахс Ўзбекистон Республикасининг Бош вазири ва маслаҳатчилари билан келишгандан сўнг Акциядорларнинг навбатдан ташқари умумий йиғилишида ўн кун муддатдан кечиктирмаган ҳолда кўриб чиқилиши лозим.

#### **4. БОШҚАРУВ РАИСИ**

4.1. Жамият Бошқарув раиси акциядорларнинг умумий йиғилишида **тайинланади** ва бу лавозимга Ўзбекистон Республикасининг Бош вазири ва маслаҳатчилари билан келишган ҳолда Бошқарув раисини тайинлаш танлов асосида ўтказилади, бунда хорижий менеджерлар ҳам иштирок этишлари мумкин.

Бошқарув раисини танлов асосида танлаб олишнинг тартиб ва шартлари ўрнатилган тартибда амалга оширилади.

4.2. Бошқарув раиси Жамият кундалик фаолиятининг барча тезкор масалаларини мустақил ҳал қиласди, Жамият акциядорларнинг умумий йиғилиши, Кузатув кенгаши ёки Бошқарув ваколатига киритилган масалалар бундан мустасно.

4.3. Жамият Бошқарув раиси:

- Бошқарув фаолиятини ташкил қиласди, Бошқарув аъзолари ўртасида вазифаларни тақсимлайди, Бошқарув томонидан асосланган ва самарали қарорлар қабул қилинишини таъминлайди, Бошқарув мажлисларида раислик қиласди, Жамият Устави, шунингдек, мазкур Низомда назарда тутилган бошқа масалаларни ҳал қиласди;

- Жамият номидан ишончномасиз иш юритади, унинг манфаатларини ифодалайди, штатларни тасдиқлайди, Жамиятнинг барча ходимлари бажариши мажбурий бўлган буйруқлар чиқаради ва кўрсатмалар беради;

- Битимларни (шартномаларни) тузиш тўғрисида, жумладан, Жамият томонидан мол-мulkни олиш ёки уни бошқа шахсга бериш ёхуд мол-мulkни бошқа шахсга бериш эҳтимоли билан боғлиқ битимларни (шартномаларни) тузиш тўғрисида қарор қабул қиласди, агарда бундай битимларнинг (шартномаларнинг) қиймати битимни тузиш тўғрисида қарор қабул қилинган санага Жамият бухгалтерия ҳисботининг маълумотлари бўйича аниқланган Жамиятнинг соф активлари қийматининг уч фоизидан ортиқ бўлмаса;

- Жамиятнинг ишлаб-чиқариш ва молиявий фаолиятига жавоб беради;

- Жамиятнинг кундалик фаолиятига таалуқли бўлган, Жамият акциядорлар умумий йиғилишининг, Кузатув кенгашининг ва Бошқарувининг ваколати доирасига кирмайдиган масалалар бўйича мустақил қарор қабул қиласди.

4.4. Жамият Бошқарув раисининг ваколат доирасига қўйидагилар ҳам киради:

- Ўзбекистон Республикасида ва чет элларда шартномалар тузиш, банк ва молия операцияларини амалга ошириш, шунингдек бундай операцияларни амалга ошириш бўйича бошқа шахсларга ишончномалар бериш;

- Жамиятнинг молиявий, инвестиция, ишлаб чиқариш дастурларини амалга оширилишини ташкил қилиш;

- Жамиятнинг мулки ва воситаларини бошқариш;

- Ўзбекистон Республикаси ва бошқа мамлакатларнинг юридик ва жисмоний шахсларига нисбатан Жамият номидан даъво бўйича қарор қабул қилиш;

- банкларда ҳисоб, валюта ва бошқа варакларни очиш;

- Жамиятнинг ижтимоий ривожланиш масалаларини ҳал қилиш;
- Жамият олдига қўйилган масалаларни бажариш учун бошқа вазифаларни бажариш;
- меҳнат қонунчилигига мувофиқ Жамиятнинг ишчилар билан меҳнат муносабатида иш берувчининг ҳуқуқ ва мажбуриятларини амалга ошириш;
- Жамиятнинг ички хужжатларига мувофиқ Жамият ишчилари лавозим маошларининг миқдорини белгилаш, ходимлар мукофот пулининг миқдорини аниқлаш;
- Жамият корпоратив маслаҳатчиси лавозимиға номзодларни киритиш;
- Жамият Бошқарув органларининг қарорларини бажарилишини таъминлаш ва назорат қилиш;
- қонунчилик, акциядорларнинг умумий йиғилиши, Кузатув кенгаши ва Бошқарув томонидан Бошқарув раисига юклатилиши мумкин бўлган бошқа вазифаларни бажариш.

4.5. Бошқарув раисининг аниқ ҳуқуқ ва мажбуриятлари унинг лавозим йўриқномасида кўрсатиб ўтилади ва у билан тузилган шартномада айтиб ўтилади.

## **5. БОШҚАРУВ АЪЗОЛАРИГА НИСБАТАН ҚЎЙИЛАДИГАН МАЛАКА ТАЛАБЛАРИ**

**5.1. Жамият Бошқаруви аъзоси:**

5.1.1. Жамиятнинг асосий бошқарув функцияларидан бирини амалга ошириши.

5.1.2. Олий маълумотга эга бўлиши.

5.1.3. Қуйидаги соҳалардан бирида билимга эга бўлиши ва (ёки) етарли тажрибага эга бўлиши:

- корхонани бошқариш;
- молиявий менежмент ёки бухгалтерия ҳисобини юритиш;
- корпоратив бошқарув;
- кон-қазиб чиқариш ва металлургия саноатида ишлаб чиқариш технологияси.

5.1.4. Тегишли қонунлар, қарорлар ва бошқа ҳуқуқий-меъёрий хужжатлар, маҳсус стандартлар, техник регламентлар ва қоидалар бўйича билимга эга бўлиши.

5.1.5. Жамиятнинг ишлаб-чиқариш-хўжалик ва молиявий-иқтисодий фаолиятининг асосий кўрсаткичларини, ишлаб чиқарилаётган маҳсулотнинг бозор конъюктурасини, Жамиятнинг фаолияти соҳасидаги илғор (маҳаллий ва чет эл) тажрибаларни, ривожланишнинг жорий ва истиқболли режаларини билиши.

5.1.6. Жамият фаолияти билан боғлиқ бўлган соҳада ёки профессионал соҳада уч йилдан кам бўлмаган раҳбарлик лавозимларида амалий тажрибага эга бўлиши керак.

5.2. Бошқарув аъзоларининг етарли даражада назарий ва амалий билимларга эга эканлиги ўрнатилган тартибда ўтказиладиган аттестацияларнинг ижобий натижалари билан тасдиқланади.

**5.3. Жамият Бошқарувининг аъзоси қуйидагиларни билиши керак:**

- ўз ишини натижа берадиган тарзда режалаштириш ва ташкил қилиш;
- жамоада самарали ишлаш;
- биринчи даражали ахамиятга эга булганни жой-жойига кувиш ва муҳим масалаларда эътиборли бўлиш;
- ўз профессионал фикрини далил-исботлар билан баён қилиш ва уни химоя килиш;
- асосий муаммолар, ҳуқуқлар ва мажбуриятлар масалалари бўйича акциядорлар, Кузатув кенгашининг ва Тафтиш комиссиясининг аъзолари билан муомала қилишда етарли даражадаги ўзаро тушунишни таъминлаш;
- низоли вазиятларни турли усуслар билан ҳал этиш;
- қабул қилинаётган ташкилий-бошқарув қарорларининг шартларини ҳушёрлик билан баҳолаш ва оқибатларини ҳисобга олиш;
- профессионал топшириқларни ҳал қилиш учун компьютер технологияларини фойдаланувчи даражасида қўллаш;
- глобал компьютер тармоғида ва корпоратив аҳборот тизимида аҳборот билан ишлаш;
- иш алоқадор бўлган мулоқатни амалга ошириш: оммавий чиқишлилар, музокаралар олиб бориш, мажлислар ўтказиш, иш юзасидан ёзишмалар, электрон коммуникациялар.

## 6. БОШҚАРУВНИНГ ИШ ТАРТИБИ

6.1. Жамият Бошқарувининг мажлиси ойига камида 1 (бир) марта ўтказилади. Бошқарув мажлиси зарурият туғилган ҳолларда Бошқарув раиси шахсий ташаббусига кўра, Кузатув кенгаши ёки Тафтиш комиссиясининг талабига кўра чақирилиши мумкин.

6.2. Жамият Бошқарувининг мажлисига Бошқарув раиси ёки унинг биринчи ўринbosари ёхуд улар бўлмаган тақдирда, кўриб чиқилаётган масалага тегишлилиги бўйича Бошқарув раисининг ўринbosарларидан бири бошчилик қиласди.

6.3. Бошқарув томонидан Кузатув кенгаши ёки акциядорларнинг умумий йиғилиши қарор қабул қилиши учун киритилаётган масалалар дастлабки тарзда Бошқарув мажлисида муҳокама қилиниши мумкин.

6.4. Жамият Бошқарувининг мажлисида масалалар ҳал этилаётганда Бошқарувнинг ҳар бир аъзоси битта овозга эга бўлади. Жамият Бошқарувнинг бир аъзоси ўз овозини Бошқарувнинг бошқа аъзосига беришига йўл қўйилмайди.

6.5. Жамият Бошқарувининг мажлисида қарорлар мажлисда ҳозир бўлганларнинг оддий кўпчилик овози билан ҳал қилинади.

6.6. Жамият Бошқаруви аъзоларининг овозлари тенг бўлган тақдирда, қарор қабул қилишда Жамият Бошқаруви раисининг овози ҳал қилувчи овоз ҳисобланади.

6.7. Жамият Бошқаруви мажлисини ўтказиш учун кворум Жамият Бошқарувига сайланган аъзолар умумий сонининг етмиш беш фоизидан кам бўлмаслиги керак.

6.8. Жамият Бошқарувининг мажлисида баённома юритилади, Бошқарув мажлисининг баённомаси мажлис ўтказилганидан сўнг беш кундан кечиктирмай тузилади. Мажлис баённомасида қўйидагилар кўрсатилади:

мажлис ўтказилган сана, вақт ва жой;  
мажлисда ҳозир бўлган шахслар;  
мажлиснинг кун тартиби;  
овоз беришга қўйилган масалалар, улар юзасидан ўтказилган овоз бериш якунлари;  
қабул қилинган қарорлар.

Баённома раислик қилувчи ва Бошқарув котиби томонидан имзоланади.

6.9. Бошқарув котиби Жамият Бошқаруви мажлислари баённомаларини юритилишини ташкил қиласди.

Жамият Бошқаруви мажлиси баённомаларидан қўчирмалар қўйидагиларга берилади:

а) Кузатув кенгашининг раиси ва Тафтиш комиссиясининг раисига уларнинг талабларига мувофиқ мажбурий равишда;

б) Фақат Бошқарув раисининг рухсати билан бошқа мансабдор шахсларга ва аудиторга;

с) Амалдаги конун хужжатларида назарда тутилган ҳолларда бошқа шахсларга ва органларга (жумладан, давлат органларига).

## 7. БОШҚАРУВ АЪЗОЛАРИНИНГ ҲУҚУҚ ВА МАЖБУРИЯТЛАРИ

7.1. Бошқарув аъзолари ўз ҳуқуқларини амалга оширишда ва мажбуриятларини бажаришда Жамият манфаатларидан келиб чиқиб Ўзбекистон Республикасининг қонунчилигига, Жамият Уставига ва мазкур Низомга мувофиқ ҳаракат қилишлари лозим.

7.2. Бошқарув аъзолари Жамиятга нисбатан холисликни сақлаб туришлари лозим. Агар Бошқарув аъзоси битимдан молиявий манфаатдорликка эга бўлса, у кўрсатилган масала бўйича қарор қабул қилиш бошлангунга қадар бу тўғрисида хабар беришга мажбур. Бунда у муҳокамада ҳам, бундай битимни тузишда қарор қабул қилишда ҳам иштирок этмайди.

7.3. Бошқарув аъзолари Жамият мулкини тасарруф этишдан шахсий фойда кўриш ҳаракатларига йўл қўймасликлари керак.

7.4. Бошқарув аъзолари аъзолик даврида фаолияти Жамият билан рақобатлашадиган корхоналарни таъсис этиш ёки таъсис этишда қатнашиш, шунингдек, Жамият билан рақобатлашадиган корхоналарда ишлаш ҳуқуқига эга эмас.

7.5. Бошқарув аъзоси Бошқарувдаги ўз фаолияти давомида мазкур Низомнинг 7.4.-бандида кўрсатилган корхоналардаги ўз иштирокини тўхтатиши ва бу тўхтатиши тўғрисида Жамият Бошқаруви ва Кузатув кенгашини хабардор қилмоғи лозим.

7.6. Бошқарув аъзолари Бошқарувнинг у ёки бу қарорларини қабул қилишда мазкур Низомнинг 7.4.-бандида кўрсатилган корхоналарни устун қўйиш хуқуқига эга эмаслар, шунингдек, бунинг учун бевосита ёки билвосита ҳақ олиш хуқуқига эга эмас.

7.7. Бошқарув аъзолари Жамиятдаги ўз имкониятларидан (мулкий ва номулкий хуқуқлардан, хўжалик фаолияти соҳасидаги имкониятлардан, Жамият фаолияти ва режалари тўғрисидаги маълумотлардан) шахсий бойлик орттириш, ёхуд ўзи меҳнат муносбатида бўлган юридик ва жисмоний шахслар фойдасига фойдаланиши мумкин эмас.

7.8. Бошқарув аъзоси қўйидаги хуқуқларга эга:

7.8.1. Бошқарув мажлисида шахсан қатнашиш, мажлисда муҳокама қилинаётган масала юзасидан регламент билан ажратилган вақт доирасида сўзга чикиш;

7.8.2. Жамиятнинг кундалик ишларининг ҳолати, унинг ихтиёрий даврдаги ишлаб-чиқариш-хўжалик ва тижорат фаолиятининг асосий якунлари, Жамиятнинг ривожланиши режаси тўғрисидаги ишлаб-чиқариш ва молиявий тўлиқ ва ҳаққоний ахборотларни олиш;

7.8.3. Бошқарувнинг ваколат доирасига кирадиган масалаларни ҳал қилиш бўйича ишларни бошқариш;

7.8.4. чекланмаган миқдорда Жамият Бошқаруви аъзолигига ўзини номзод қилиб кўрсатиш ва сайланиш.

7.9. Бошқарув аъзолари ўртасидаги вазифаларни тақсимлаш Бошқарув раисининг алоҳида хуқуқига киради. Бошқарув ҳар бир аъзосининг вазифалари унинг Бошқарувдаги иш хажми ва лавозим вазифалари билан аниқланади. Бошқарув раиси томонидан тақдим қилинган вазифаларни тақсимлаш тўғрисидаги таклиф Бошқарув мажлисида тасдиқланади.

7.10. Бошқарув аъзоларининг мажбуриятлари:

7.10.1. вазифаларини ўз ваколатлари доирасида вижданан, юқори малака даражасида, шунингдек, Жамият манфаатлари учун энг яхши усул деб ҳисоблаган усулларда амалга ошириш;

7.10.2. Жамиятнинг тижорат сирини сақлаш.

## **8. БОШҚАРУВ АЪЗОЛАРИНИНГ ЖАВОБГАРЛИГИ**

8.1. Бошқарув аъзолари Жамият олдида қонун хужжатлари, мазкур Низом ва Жамиятнинг бошқа ички хужжатларига мувофиқ жавобгар бўладилар.

8.2. Бунда овоз беришда қатнашмаган ёки Жамиятга зарап етказувчи қарорга қарши овоз берган Жамият Бошқаруви аъзолари жавобгарликдан озод қилинади.

Агар амалдаги қонун хужжатларига мувофиқ бир неча шахс жавобгар бўлса, уларнинг Жамият олдидағи жавобгарликлари солидар ҳисобланади.

8.3. Бошқарув аъзолари қўйидагилар бўйича жавобгардирлар:

8.3.1. Жамиятнинг хўжалик фаолиятининг натижалари, унинг олдига қўйилган вазифаларга эришиш учун;

8.3.2. Жамият Бошқаруви аъзолари Жамият олдида Ўзбекистон Республикасининг амалдаги қонун хужжатларига ва Жамият Уставига, акциядорларнинг умумий йиғилиши қарорларига ва суднинг қарорига мувофиқ, ўз вазифаларини бажармасликлари ёки оқилона бажармасликлари натижасида Жамиятга етказилган зарар учун жавобгардирлар.